

神史

十五

和書門			
三	三	三	三
一	一	一	一
四	七	四	類
冊	架	函	號

內閣文庫		和書	
一	三	一	和
四	一〇	二	書
二	二	四	類
函	冊	號	
架			

內閣文庫	
番號	和 31024
冊數	21 (15)
函號	142 74



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale




© Kodak, 2007 TM: Kodak



神史

十五

神史卷之十五



後奈良天皇

元年。戊子。正月。二十一日。甲午。神宮始奏事。二

十二日。甲子。水無瀨神宮。修和歌會。二十五日。

丁卯。北野神社。修連歌會。會徹。即席詠和歌。應制也。

壬申。晦。遣上卿權大納言藤原公條于春日社。修祀

典。四月。二日。癸卯。奏音樂于北野神社。六日。丁未。祭

後柏原天皇靈于清涼殿。十九日。庚申。賀茂社司獻

備後 五弓久文撰

癸。二十日。辛酉。修賀茂祭。賜宴于知事諸臣。二十五日。丙寅。北野神社。修連歌會。五月。十四日。甲申。遣右中辨藤原兼秀于春日社。修遷宮之儀。六月。八日。戊申。詔藏人頭右近衛中將藤原實世。為神宮奉行。二十五日。乙丑。薦連歌二百韻于北野社。賜宴于知事諸臣。二十九日。己亥。春日社。司大中臣家統。叙從三位。大中臣祐辰。叙從四位上。大中臣祐圀。叙從四位下。大中臣祐罔。叙正五位下。大中臣祐次。叙從五位上。大中臣祐稱。叙從五位上。大中臣祐資。叙從五位上。賞遷宮之功也。八月。十四日。癸丑。修祇園祭。十二

月。十五日。壬午。內侍所修臨時神樂。

二年。己丑。二月。十八日。甲申。遣上卿權中納言藤原言綱于春日社。修祀典。四月。五日。庚午。神祇伯白川雅業王。奏請松尾祭勅裁。奏可。十九日。甲申。修日吉祭。二十日。乙酉。修賀茂祭。社司。獻葵。六月。六日。庚午。稻荷社。司等。就神祇伯白川雅業王。奏。祭日東福寺僧爭鬪。放箭神輿。大不敬。遣兩傳奏。告內大臣藤原植通。加糾彈。僧徒言非其徒。蓋遁辭也。九日。癸酉。薦和歌于住吉神社。七月。六日。己亥。祈雨諸社。十九日。壬子。若狹青井熊野神社。修遷宮之儀。十一月。三日。

從三位神祇權大副侍從卜部兼滿薨年四十四。是歲賀茂社司正三位賀茂在基薨。

三年庚寅正月二十日辛亥內侍所奏臨時神樂二十三日甲申遣上卿權大納言藤原實胤于春日社修祀典二十五日丙戌薦連歌于北野社即席詠和歌二十首應制也四月二十三日癸未薦和歌百首于伊勢大神宮二十四日甲申修日吉祭二十五日乙酉修賀茂祭六月七日乙丑修祇園祭如恒式九日丁卯奏音樂于北野社七月十一日己亥奏音樂于春日社十八日丙午修御靈祭九月三日庚寅薦

和漢聯句于春日社十月丙戌晦薦連歌于北野社四年辛卯二月十四日己巳內侍所奏臨時神樂二十五日庚辰薦連歌于北野社二十九日甲申修春日祭社司請以金三百匹充上卿路資許焉三月十一日丙申修春日祭四月十八日壬申修日吉祭五月五日己丑修賀茂祭競馬如恒式七日辛卯修今宮祭閏月八日辛酉神祇少副卜部兼右修清秋于內侍所竣事天皇引見兼右于議定所六月七日己丑停祇園祭至二十一日癸卯而修焉二十五日丁未薦連歌于北野社二十七日己酉彗星從三位賀

茂社司在基。卜之。踰月。詔諸社禳之。八月二十九日。庚戌。赤松政村母某氏。謁祇園社。奏湯神樂之儀。九月七日。戊午。住吉社務言。三日神馬斃。十一月二十二日。壬申。修春日祭。十二月十七日。丁酉。春日社奏七夜神樂。

天文元年。壬辰。二月二十一日。庚子。推大納言藤原實胤。為神宮傳奏。二十五日。甲辰。薦連歌百韻于北野社。即席詠和歌二十首。應制也。二十九日。戊申。遣上卿權中納言藤原雅綱于春日社。修祀典。八月十日。丙戌。權中納言藤原秀房。奏請紀伊那智山僧。修

熊野神廟有功。願賜上人號。奏可。十八日。甲午。修御靈祭。如恒式。九月十六日。辛酉。詔諸社禳彗星。七日。十月八日。壬午。薦和漢聯句百韻。十日。甲申。薦和漢聯句百韻于平野社。十二月十四日。戊子。修祇園祭。如恒式。

二年。癸巳。三月十五日。戊午。賀茂社始奏事。參議右大辨藤原尹豐蒞會。十七日。庚申。遣權中納言藤原秀房于春日社。修祀典。五月二十五日。丁卯。土冠掠祇園社。十一月二十一日。己未。內侍所。奏臨時神樂。十二月二十二日。庚寅。遣公卿于春日社。奏神樂七

夜二十六日。甲午。梅宮火。

三年。甲午。正月。二十六日。甲子。廣田社火。踰月。以梅宮廣田社火。廢朝。丁卯晦。月讀社火。五月。二十七日。癸巳。遣權大納言藤原公條。修南都八幡宮上棟之儀。七月。十六日。辛巳。賀茂傳奏參議右大辨藤原尹豐。傳宣點鴨祐忠。以鴨祐春。為社務。是冬。備後神邊城主山名理興。攻多羅麻某於葦田郡柞麻城。某知不可敵。放火本邑八幡社。自刃而死。

四年。乙未。三月。十一日。壬申。遣上卿權大納言藤原實胤于春日社。修祀典。十月。二十八日。丙辰。以泉式

部梅。接鶴岡祠前木。

五年。丙申。二月。八日。甲午。修清菰于內侍所。十四日。庚子。奉幣伊勢大廟。四月。丙戌。祭主大中臣朝忠。叙從三位。十月。二十三日。乙巳。神祇大副卜部兼隆。叙正四位下。是冬。肥後阿蘇大官司宇治惟豐。叙從五位下。後叙正四位下。

六年。丁酉。五月。十八日。丙申。日吉社祝部成純。叙從三位。

七年。戊戌。二月。乙巳朔。北條左京大夫氏綱。謁鶴岡八幡宮。十五日。己未。氏綱又謁焉。九月。三日。癸未。鶴

岡八幡宮鳴動。十月。相摸小田原城主北條氏綱。獲足利義明於下總。先是。義明抵鎌倉鶴岡八幡宮。掠畧神寶。氏綱聞之。大奮曰。凡神祠圯壞。出私資以助修繕。興祀典。以受冥福。是武將之職也。今彼暴如此。我烏得不施神誅乎。將兵大戰於鴻臺。獲義明殺之。踰年。修本祠。十一月。二十五日。乙丑。內侍所奏臨時神樂。

八年。己亥。六月。二十一日。丁巳。詔賀茂社傳奏。權中納言藤原尹豐。傳命散位鴨光雄。補鴨社祝。九月。三日。丁酉。鎌倉鶴岡神殿鳴動。十一月。二十八日。壬戌。

修北野社。修遷祀之儀。是日。權中納言藤原兼季。兼管神宮傳奏。

九年。庚子。二月。十日。癸酉。內侍所奏臨時神樂。六月。二十二日。壬午。薦和歌于祇園社。十月。十四日。壬申。賀茂祐忠。補社務。二十一日。己卯。鎌倉鶴岡八幡宮。修遷宮之儀。是月。備後吉備津神社務山名理興。鑄鐘一口。以獻本廟。理興居神邊城。兼管社務者也。十一月。二十一日。豐受宮禰宜松木是彥卒。年八十一。十年。辛丑。四月。五日。辛酉。陶中務權少輔隆房。陷安藝嚴嶋社。司散位佐伯興藤于櫻尾城。以其黨尼子

氏也。城兵斬興藤降。隆房惡其不義。無老幼。捕殺之。
七月二十七日。辛亥。安藝嚴嶋社司佐伯季久。佐伯
親正。並叙從五位下。九月二十六日。戊申。伊勢外宮。
修假遷宮之儀。

十一年。壬寅。三月。壬午朔。內侍所。奏臨時神樂。二十
三日。甲辰。卜部兼和。加首服。叙從五位下。任神祇少
副。聽昇殿。四月辛巳朔。北條左京大夫氏康。建鶴岡
八幡宮。大鳥居于由比濱。五月五日。甲寅。賀茂森競
馬。賜扇于知事祝史。六月十七日。丙申。南都伶官連
署。奏攝津住吉社祢宜相撲會神祭。例奏樂。邇年停

之。願聖裁下詔。仍舊。於是。勅權大納言藤原尹豐。告
諭住吉社務。遵奏曩典。十二月。丁丑朔。伊勢太神宮。
修假殿遷宮之儀。

十二年。癸卯。二月九日。甲申。祭主從三位大中臣朝
忠。叙正三位。十日。乙酉。內侍所。奏臨時神樂。十四日。
己丑。賀茂社始奏事。權大納言藤原尹豐。莅會。三月。
五日。遣上卿權大納言藤原公叙于春日社。修祀典。
十四日。戊午。詔近江社。授正一位。八月。癸酉朔。權中
納言藤原惟房。補神宮傳奏。十月二十九日。庚子。神
宮傳奏。權大納言藤原實世免職。十一月三日。甲辰。

權大納言藤原伊長補神宮傳奏。十二月。修宇佐大廟。
十三年。甲辰。二月。十六日。乙酉。內侍所。奏臨時神樂。
三月。二十一日。庚申。遣上卿權中納言藤原惟房于
春日社。修祀典。是月。太宰大貳大內義隆。聘神祇大
副卜部兼右於周防。祭春日多賀等神。學神道閩奧。
八月。二十八日。乙未。權大納言藤原兼秀。補賀茂社
傳奏。十二月。乙未朔。駿河國主今川治部大輔義元。
殺井伊直滿。初。遠江村柳里。有八幡神社。側有井。正
月朔。社司謁神。忽見赤子出井中。大驚。熟視之。容顏

端麗。眼彩射人。異而抱還。撫育數年。其家有女無男。
於是。以女配兒。名曰共保。長而雄武絕倫。國人懼服。
以井為徽號。加以橘。直滿。共保後裔也。

十四年。乙巳。正月。十三日。丁丑。遣使祭後白河天皇。
三月。五日。丁卯。內侍所。奏臨時祭。十日。壬申。修春日
祭。上卿不莅會。六月。十四日。乙巳。修祇園祭。昇護神
輿人相鬪。殺職長松井某。八月。三日。癸巳。侍從神祇
大副卜部兼右。進講日本書記於小御所。六日。丙申。
兼右進講如前日。十日。庚子。兼右進講如前日。十三
日。癸卯。兼右進講徹業奉授神道奧秘于天皇。賜劍

馬賞之。

十五年丙午三月四日辛酉內侍所奏臨時神樂十五日壬申遣權大納言藤原公兄于春日社修祀典十月乙酉朔神宮傳奏藤原伊長免職二日丙戌權大納言藤原公叙補神宮傳奏十二月十九日壬寅先是大將軍足利義晴欲冠其子時京畿騷擾不可行其禮乃携之抵近江坂本加冠于日吉社樹下成保家六角彈正大弼定賴加冠細川中務大輔晴經理髮名義藤後改義輝。

十六年丁未二月十五日丁酉甲斐國主大膳大夫

武田晴信謁其城邑八幡祠召山本晴幸于回廊議軍事十七日己亥內侍所奏臨時神樂三月八日庚申遣上卿權中納言藤原宣治于春日社修祀典六月七日丁亥宸翰扁額賜安藝伊都岐嶋神社遵順德帝故事也二十六日丙午修春日社八月二十三日辛未神宮傳奏權大納言藤原公叙免職十月參河岡崎城主世子德川家康出質駿河適外舅戶田憲光通欵織田信秀誘致家康送之尾張信秀納之于熱田大宮司家拘留三年而還十七年戊申正月十九日丙申賀茂神主定延叙從

三位。二十四日。辛丑。祭主大中臣朝忠。叙從二位。二月。四日。庚戌。賀茂社傳奏。權大納言藤原兼光免職。十三日。己未。內侍所奏。臨時神樂。二十八日。甲戌。修前儀。三月。四日。庚辰。權中納言藤原資將補賀茂社傳奏。八日。甲申。遣上卿權中納言藤原言繼于春日社。修祀典。二十三日。己亥。東坊城權中納言菅原長淳。將謁太宰府祖廟。航海抵長門赤馬關。罹疾而薨。年四十三。是夜。神殿震動。池水如血。蓋神痛長淳未謁廟而途薨也。十月。二十二日。甲子。內侍所奏。臨時神樂。十二月。二十六日。丁卯。修前儀。

十八年。己酉。六月。十六日。甲寅。權大納言藤原尹豐。補賀茂社傳奏。七月。二十六日。甲午。神宮傳奏。權大納言藤原光康免職。八月。十五日。壬子。甲斐國主武田晴信。觀流鏑馬于城中八幡社。十六日。癸丑。權大納言藤原孝親。補神宮傳奏。

十九年。庚戌。二月。肥後阿蘇大宮司宇治惟豐。殺婿入田親誠。親誠。豐後人。初事國主大友義鑑。為人佞。姦得殊寵。又通義鑑繼室。々々有子。曰到明。愛之。常欲易嫡。而未得強援也。以親誠為巨室。欲延為謀主。日夜懇請其子。義鑑亦惑。繼室欲廢嫡。詢之親誠。親

誠盛稱其才。義鑑大悅。俾嫡子義鎮。浴別府溫泉。蓋遠之也。執政四人。諭以其意。皆正議不肯。及晚。義鑑召四人。二人往見殺。二人竊入後門。殺繼室母子。并殺義鑑。親誠聞變。逃往肥後。托惟豐。々々。其妻父也。惟豐縛親誠。讓之曰。吁。汝離間乃主父子。寸斬不足贖罪。然而奔竄。欲求活。天人其容之。况阿蘇神境。若一夜宿如汝不義之賊。吾亦必蒙神怒矣。遂刎送首。豐後。遠近服。惟豐之義勇。三月二十日。甲申。遣上卿權中納言藤原公音于春日社。修祀典。四月十六日。庚戌。松尾社。修正遷宮之儀。閏五月二十三日。丙辰。

大將軍足利義藤。遣高和泉守師宣于北野社。告除服也。九月十五日。乙巳。周防山口八幡社。祭國主大內義隆。將修拜儀。流言陶尾張守隆房。率兵討相良。遠江守武任。々々聞之。急告義隆。々々罷親蒞。遣右田左京。代修祀典。十一月七日。丙申。遣上卿權中納言藤原國光于春日社。修祀典。十二月二十六日。乙酉。內侍所。奏臨時神樂。神祇伯正二位雅業王等蒞會。是歲。太宰府管神廟火。二十年。辛亥。二月五日。甲子。神宮賀茂社。並始奏事。權大納言藤原孝親。權大納言藤原尹豐蒞會。三月。

五日。癸巳。遣上卿權中納言藤原國光于春日社。修
祀典。十月。八日。壬戌。賀茂社。稱宜從二位賀茂在富。
叙正二位。

二十一年。壬子。正月。二十四日。丁未。修連歌會于北
野社。二月。二日。丙辰。左衛門少尉氏貞。為筑前宗像
大宮司。入白山城。初。大寧寺役。宗像大宮司氏男戰
死。嗣子僅三歲。家宰等相議。請前大宮司氏續再執
事。氏續辭曰。賤齡既踰七旬。撫育幼孫。恪修祀典。若
夫軍事。非吾任也。不若養大内氏支族子。配以孫女。
以繼大宮司也。議成。遣使周防。陶晴賢諾之。會有黑

川隆像。即氏男異母弟。而晴賢姪所生也。加首服。名
氏貞。々々將趣筑前。流言宗像屬意氏男遺孤。若氏
貞繼彼宗。必生後患。晴賢大怒。告之家宰。殺遺孤。家
宰不聽。晴賢率兵。鑿家宰。宗像諸臣。畏晴賢。斬遺孤
及母傳。晴賢護送氏貞。氏貞之白山城也。見氏續。受
神道。蘊奧。日夕敬事神祇。頗得人心。三月。二十二日。
甲辰。右少辨藤原經元傳。旨曰。春日祭無遣上卿。付
社司修焉。五月。十四日。丙申。遣上卿權中納言藤原
言繼于春日社。修祀典。六月。三日。甲寅。奏音樂于石
清水八幡宮。是日。神祇伯正二位白川雅業王。莅會。

十月九日。戊午。神祇權大副。卜部兼右。叙從三位。
二十二年。癸丑。正月十一日。戊子。春日社神主正三位。大中臣家賢薨。年七十。二月二十七日。癸卯。春日社神主。大中臣師重。叙從三位。四月九日。乙酉。修松尾祭。二十日。丙申。修日吉祭。六月十三日。戊子。祈雨諸社。七月二十一日。乙丑。遣左少辨藤原國光于春日社。修正遷宮之儀。十月二十日。癸巳。春日社神主。大中臣師重。叙正三位。大中臣祐恩。叙從三位。大中臣祐次。叙正四位下。大中臣延時。叙從四位下。大中臣祐根。叙從五位上。皆春日社司也。十一月二十八

日。辛未。內侍所奏臨時神樂。

二十三年。甲寅。二月十一日。壬午。春日社權神主。大中臣時具。叙從三位。六月。己亥。晦。住吉祭河內守護安見直政。臣隸爭鬪。殺神人。以故。不能修祀典。至八月。改修焉。九月二十六日。甲子。大將軍足利義晴。奏神樂于春日社。七日。
弘治元年。乙卯。正月二十六日。壬戌。春日社神主。從三位。大中臣祐恩。叙正三位。二月二十七日。癸巳。議修伊勢兩大廟。定山口祭。祭儀久廢。有女僧捐貲。興焉。三月十日。乙巳。薩摩國主嶋津義久。將討帖佐賊。

奉幣大隅八幡宮。卜吉日。是夏。下總結城。政勝。謁伊勢大廟。十月。安藝毛利元就。誅周防陶晴賢。先是。晴賢弒其主大內義隆。元就屬大內氏麾下。至是。將伐晴賢。自率兵。軍于火立浦。會旁嶋有祝人。日上蛤船。抵嚴嶋。奉幣本祠者。元就請之。裝其臣。淨衣烏帽。為祝人子弟。抵嚴嶋。賊兵見謂之。曰。毛利氏軍情如何。祝人誘曰。若陶公陣於草津。廿日市。毛利氏之利也。而今陶公陣于此。彼敗必矣。或曰。今晨元就帥兵。自火立浦。退次草津。賊兵聞之。彌懈。兵備。遂大敗。是歲。藤堂高虎生。初應永中。近江犬上郡藤堂村人。景盛。

仕足利氏。創土地祠于本邑。手植藤樹。以祝家祚。迄今蔓衍。號為神木。司祝歲。篋花枝。以贈藤堂氏。高虎。實景盛遠孫也。

二年。丙辰。二月。十七日。丁未。吉田社鳴動。會有鹿斃于神域。人以為恠異。三月。二十三日。壬午。筑前宗像大宮司氏貞妹。為厲鬼所祟殺。五月。二十七日。乙酉。賀茂社修正遷宮之儀。九月。九日。乙丑。襍疫疾。先是。京都小兒患咳逆。死亡甚多。卜之。曰。貴布禰神崇也。因禳之。十二月。十七日。壬寅。神祇權大副。卜部兼右。叙正三位。

三年。丁巳。三月。筑前宗像大宮司氏貞。建祠祭山田
怨靈。七月。六日。丁巳。祈雨諸社。

正親町天皇

永祿元年。戊午。五月。五日。壬子。賜扇于賀茂社司。二
十三日。豐受神宮。修上棟之儀。中山權大納言藤原
孝親。董役。以尼僧慶光院之募金為之。是月。大將軍
足利義輝。為強臣所迫。去京師。抵近江。留寓朽木谷。
細川兵部大輔藤孝。從行護衛。當是時。藤孝性嗜學。
而落魄窮乏。憂夜讀乏油。忽得一計。以為。旁近祠廟。
必點神燈。竊乘夜深。奪殘油。以充其燈資。自是。盜油

者數矣。祠官恠之。暗立祠後。候其動靜。果有人。捕詰
之。藤孝吐實曰。鄙人本志。在讀書。盜油盜金。自有輕
重。神或垂慈憐乎。只子裁之。祝人聞之。大感其苦學。
更出油一壺與之。閏六月。六日。壬子。神祇權大副卜
部兼右。至自若狹。踰日。獻鶴一隻。十日。丙辰。勅前權
大納言藤原惟房。議杵築社神主上階。十六日。壬戌。
遣右兵衛督神祇權大副卜部兼右于近江坂本。賜
物大將軍足利義輝。十月。三日。丙午。天皇受拜神典
式于神祇伯正二位白川雅業王。
二年。己未。正月。十一日。甲申。天皇受行水文于神祇

伯白川雅業王。二月。六日。戊申。遣上卿權大納言藤原實澄于春日社。修祀典。三月。土佐國主一條藤原康政。獻幡多郡中村鄉不破八幡社三貫神田。五月。二十四日。乙未。勅權大納言藤原孝親。論大將軍足利義輝。以伊勢奉幣事。六月。七日。丁未。修祇園祭。九日。己酉。神祇伯正二位白川雅業王。祈雨。二十五日。乙丑。薦和漢聯句于北野社。是月。大旱。祈雨諸社。三年。庚申。正月。二十九日。丙申。內侍所奏臨時神樂。二月。四日。庚子。神宮始奏事。傳奏權大納言藤原孝親蒞會。是日。松永久秀。獻資於內侍所奏神樂。二十

五日。辛酉。薦和歌聯句百韻于北野社。三月。二十二日。戊子。皇太子謁賀茂社。觀躑躅。五月。駿河國主今川義元。攻織田信長。戰於尾張桶狹間。敗績死之。初。信長聞駿軍西向。單騎舉鞭而出。比及熱田祠。得千人。自祈戰勝。曰。恭惟本祠者。歷世聖王。而朝廷鎮護靈神也。匪啻守邦家之永延。併定夷狄之兇賊。垂跡于東海之邊陲。奠安八劍于祠壇。當今人王百有七世之御宇。風俗澆季。瑞鳳不臻。祥麟不出。人心不淳。姦壬並生。四夷舉兵革。八荒動干戈。未聞理世安民之政。信長雖不肖。辱平相國之後裔。生弓馬之家。僅

繼箕裘之業。遠悔先祖無道。近憂李世擾亂。欲再造皇都。以致君于唐虞。援民于水火。是信長夙志也。故造次於是。顛沛於是。頃歲源義元起駿遠。威耀兩三國。犯近里。掠遠境。毀神廟。燒民舍。擅逆不敬。神人共憤。其蔑棄朝憲亦甚。信長欲討滅之。然彼兵既踰四萬。吾兵僅不滿三千。猶有螳臂當轍之想。自非本祠神靈。則何得奏大捷哉。疇昔日本武尊東征。滅東夷于蒲原。嘉兆如合符節。仰冀偕八劍之銳。斬衆賊之頭。今斯一戰。非洩私憤。在興起皇運之衰頹。救濟士民之危亾也。玄鑑無誤。明神其垂亮察。伏捧矢鏑。以

擬蘋蘩之奠。信長陰令祠官。鳴甲于龕中。信長顧衆曰。是神祐我也。吾軍捷必矣。衆皆欣躍而進。大戰遂斬義元。乃賽熱田祠而凱旋。信長出平資盛元曾中平族悉滅。獨資盛有孤兒。母懷之。匿近江津田。鄉長納之。又有其孤。會越前織田祝史。屢宿其家。視孤兒。欲子養焉。乃允之。冒織田氏名。親真。稱權大夫。世為祝人。當足利氏時。越前為其族斯波氏管内。斯波義重。一日出游。見織田祝人之子。美姿容。載婦。以為近侍。累年為重臣。信長者。親真十八世孫也。六月二十五日。庚申。薦和歌三十首于北野社。九月十二日。乙

亥。神祇伯正二位白川雅業王薨。年七十三。是歲。和泉岸和田城主十河民部少輔一存卒。一存患瘡。浴攝津有馬溫泉。松永久秀亦同浴。會一存乘馭馬。久秀諫曰。馭馬山神所忌。子宜上他馬。一存以為輕侮已。不從。騎入山。忽墜馬死。人以為神祟。

四年。辛酉。二月二十二日。壬子。薦和歌二十首于水無瀨神宮。二十五日。乙卯。薦和歌三十首。應制也。三月。越後國主上杉輝虎自率七十六將。兵十一萬餘人。入相摸。將伐北條氏也。赴鎌倉。謁鶴岡八幡祠。關東將士擁衛前後。會千葉國胤。小山政朝。各恃勲閥。

爭坐。訴之輝虎。輝虎曰。關左士。吾以千葉氏為首。小山氏亦不可為尾。二人不能爭。忍城主成田長泰。稱源賴義故事。立馬祠前。以待上杉氏從者。曳長泰下馬。輝虎舉扇拷面。長泰慙恚逃去。諸將叛歸。輝虎班師。五月四日。癸巳。祈天變于諸社。五日。甲午。賀茂社競馬。賜扇社司。七月二十一日。己酉。輦下兵興。賀茂社司奉神體。安紫宸殿。遣兵衛賀茂下上社。九月。甲斐士山本晴幸。戰歿于信濃川中嶋。初晴幸參河人。周游四方。以試其技。嘗往安藝。寓嚴嶋神祠。祝人家。毛利元就召見晴幸。晴幸退。元就謂祝人曰。渠骨雄。

然其心不可測也。命遂之。

五年。壬戌。正月。二十六日。辛亥。神宮始奏事。權大納言藤原孝親莅會。三月。二十五日。癸酉。薦和歌于北野社。五月。十四日。丁酉。加茂社始奏事。從一位藤原尹豐莅會。六月。二十三日。丙子。紀伊熊野本宮社火。十月。十五日。丙寅。奏神樂于春日社。松永彈正大弼久秀所奏請也。十二月。二十八日。己卯。萬里小路權中納言藤原惟房宣言。天子感靈夢。將奉幣于熱田神祠。乃使京師人御倉左京亮宗繼及磯貝左衛門少尉久次齋密詔。并練香。赴尾張。錫國主織田信長。

信長感喜。厚饗二使。既而與重臣。胥議西上。先是。惟房上言曰。方今天下鼎沸。武人雖多。非庸將則暴帥。獨信長材勇。可用也。天皇然之。因有此詔。辛巳。晦。惟房奉幣熱田社。十一月。十五日。丙申。遣權中納言藤原言繼于春日社。修祀典。十二月。三日。癸巳。宗像大宮司氏負。徙居于蘿城。

永祿六年。癸亥。二月。奏五韶樂于伊勢大廟。凡三次。禳災也。二十五日。甲戌。薦和歌二十首于北野社。應制也。二十九日。丁未。內侍所奏神樂。五月。五日。壬午。賀茂社競馬。如恒式。賜扇社司。六月。二十五日。壬申。

薦和歌聯句于北野社。八月十日丙辰。近江日吉神
主行磨奏請。末社百二十祠久頽廢。有人捐私財修
之。允其請。十一日丁巳。藏人頭左中辨藤原經元補
神宮傳奏。二十二日戊辰。三好筑前守義興罹篤疾。
奏請內侍所奏神樂禱疾瘳。乃許之。是月安藝毛利
隆元歿。隆元元就長男也。或曰備後三谿郡人和智
誠春。鳩殺之。未幾誠春從吉川元春攻伊豫。元就信
諛。召還誠春。々々與弟湯谷久豐舟着巖嶋。將上陸。
誠春日久豐提刀疾步共向祠壇。毛利氏兵亂刺之。
初元就在出雲罹疾。隆元禱巖嶋神。請代父後。僧惠

心侍語。元就遣人檢祠。獲祭文。感泣。而誠春之冤始
雪。後巖嶋多禍祟。元就建祠祭誠春。九月十一日豐
受宮稱宜松木備彦卒。年八十一。十二日戊子遣上
卿權大納言藤原孝親于伊勢奉幣大神宮。二十三
日己亥豐受大神宮修正遷宮之儀。是日薦和歌于
神宮。

七年甲子二月九日壬午神宮始奏事。權大納言藤
原孝親莅會。二十一日甲午薦五常樂于大神宮。二
十五日戊戌薦和歌于北野社。三月六日戊申遣上
卿權中納言藤原言繼等于春日社修祀典。壬申晦。

賀茂社始奏事。從一位藤原尹豐莅會。賜杯而退。四月朔。癸酉。藏人頭右近衛中將源重通為神宮奉行。五月五日。丙午。賀茂社競馬。賜扇社司。如恒式。六月二十五日。丙申。薦和歌三十首于北野社。八月七日。丁丑。伊勢言白鳩群集于豐受宮東南檐。而檐墜頽。因卜之。

八年。乙丑。正月。癸亥。皇太子夢得句。既覺。錄薦北野社。三月二十八日。丙寅。大將軍足利義輝。謁大原祠。四月十四日。庚辰。勅賀茂下上社氏人。掘宮垣外壕。六月七日。壬申。豐受大神宮修遷宮之儀。七月十八

日。壬子。神祇大副卜部兼右。修清菝於內侍所。茲儀。賜雄刀一口。

九年。丙寅。二月十六日。戊寅。從一位藤原資定。為神宮傳奏。十七日。己卯。內侍所奏神樂。足利義昭。獻資。六月二十五日。乙未。薦和歌三十首于北野社。閏八月九日。丁酉。神宮失寶劍。奉幣謝之。十一月二十七日。甲申。修春日祭。

十年。丁卯。六月二十五日。己酉。薦和歌三十首于北野社。八月二十四日。丙午。攝津住吉社鳴動。九月十二日。甲子。伊勢神宮奉行右近衛中將源重通免職。

十四日丙寅。從一位藤原資定。為神宮傳奏。十月十五日丙申。安藝嚴嶋神主棚守左近將監元秋奏。乙丑。以還祠壇鳴動不止。十一月二十日辛未。權中納言藤原晴季。為鴨社傳奏。

十一年戊辰。二月二十五日乙巳。薦和歌三十首于北野社。應制。四月。先是勅安藝國主毛利元就。修嚴嶋社。至是而成。行遷宮之儀。五月五日甲寅。賀茂社競馬。賜扇社司如恒式。

十二年己巳。二月二十二日丙申。神宮始奏事。從一位藤原資定莅會。

元龜元年庚午。正月二十三日壬辰。神宮始奏事。從一位藤原資定莅會。二月二十五日癸亥。薦和歌于北野社。四月十六日癸丑。賀茂社祝祐成免職。以前日與稱宜爭曲在祐成也。二十八日乙丑。奏五常樂于石清水八幡宮。五月五日壬申。賀茂社競馬如恒式。八月。豐後由須原八幡社例。修放生祭。初大友宗麟。遣其臣山下和泉。擐甲騎馬。護衛神輿。神輿忽重不舉。祠僧拜跪懇禱。而神輿如故。祭儀不行。宗麟聞之。怒曰。本祠祀典。歷世不廢。今神何以致恠異。不如爾後停祭也。自是毀壞管下神祠。而大友氏滅亦與。

焉。十一月二十六日。神祇大副從二位大中臣朝忠薨。年七十三。十二月二十一日。甲寅。卜部兼右。任神祇大副。

二年。辛未。二月二十五日。丁巳。薦和漢聯句于北野社。二十七日。己未。石清水八幡宮常燈消。五月二十一日。陸奧松前養廣。修上國館神祠。六月十四日。安藝國主毛利元就卒。初元就年十二。詣嚴嶋神祠。問從臣曰。汝禱何如。對曰。臣唯祈世子奄有安藝也。當是時。元就父弘元。僅為吉田城主。所領不過三百貫也。元就曰。汝盍禱吾為天下霸主乎。諺曰。志尺成寸。

夫希有天下者。僅主一方。願主一道者。不必能主一國也。今汝志小如此。其成可知。從臣慙服。二十五日。丙辰。薦和歌于北野社。七月十日。庚午。從一位藤原資定。與神祇權大副卜部兼右。論神宮事。二條關白從一位藤原晴良。裁決焉。是歲。土佐長曾我部元親。修本國一宮。

三年。壬申。正月二十五日。壬午。侍從神祇權大副卜部兼右。修清籙于內侍所。閏正月十六日。癸丑。神宮始奏事。從一位藤原資定莅會。二月二十二日。戊寅。薦和歌于水無瀨神宮。二十五日。辛巳。薦和歌于北

野社。三月二十三日。己酉。遣幣使于愛宕神社。奏百
度神樂。賽宿禱。且修待月祀典也。五月二十二日。丁
未。春日山神木生蟲。二十四日。己酉。神祇大副從二
位大中臣康忠薨。年四十一。六月二日。丙辰。遣從一
位藤原資定于伊勢神宮。禱春日社神木枯也。七日。
辛酉。天皇及宮嬪。誦讀心經一千卷。禳春日神木枯
槁也。七月六日。庚寅。諸社祝。獻本祠區內花卉數種。
八月二十五日。己卯。薦和歌于北野社。九月二十二
日。乙巳。奏音樂于石清水八幡宮。是日。先是。遠江國
主從四位下侍從德川家康。與甲斐武田晴信構難。

連歲相戰。家康撰文祭本國周智郡小國神社。其略
曰。方今人心不淳。姦邪並起。四夷舉兵革。八荒動干
戈。不行理世安民之政者久矣。吾生弓馬之家。欲興
帝都之衰微。治國家之擾亂。救民於塗炭。是以不遑
寧居。造次於是。顛沛於是。今武田晴信。起兵甲斐。振
威隣國。犯掠遠邇。破壞神祠。放火民廬。暴亦甚。顧吾
兵勢寡弱。不足敵彼之強大。非倚本廟之神力。何以
得勝。仰冀神力。速誅戮凶徒。矜目擊之間。然興兵。非
私鬪。聊以為救民之計。玄鑑無誤。誠禱敬白。
天正元年。癸酉。正月十日。壬辰。從二位神祇大副右

兵衛督卜部兼右薨。年五十八。兼右嘗謂山城乙訓郡向日社。祀神武帝。帝之舉兵。為日向。而永不忘向日之誠。是所以名社也。後世轉訛。不知其義。且夫帝為百王大祖。萬世臣子。可不崇敬歟。世人不之辨。可嘆也。初兼俱有三男。長兼致。次兼永。次宣賢。繼清原氏。兼致子兼滿嗣。無子。養兼右為嗣。實宣賢二男也。二月二十二日。癸酉。薦和歌于水無瀨神宮。三月二十日。庚子。內侍所奏。臨時神樂。是春。備前沼城主淳田直家。築岡山城居焉。又移祀酒折祠于今地。初直家一夜夢神謂直家曰。今汝奉吾言。移築國留邑居

焉。必為大國主。子孫永保富貴矣。既覺。直家從神教。四月十一日。辛酉。修稻荷祭。十二日。壬戌。甲斐國主武田晴信卒。晴信雖削髮任大僧正。然其旗用紅錦。署八幡神號。敬神類此。先是。甲斐郡內僧。有安藏主者。其人有膽勇。晴信命還俗為士。更名安左衛門。從軍屢有功。迨晴信卒。安左衛門謁信。濃誣訪祠。留禱嗣主。後榮。閱三月。一夜。安左衛門夢神歌。大意誣訪神胤。為武田氏子。遂喪其家。既覺。竊告諸誣訪祠官。祠官曰。頃日。今侯襲封。獻神封於本祠。其朱章與神印相符。不亦太奇乎。初晴信攻滅誣訪。賴重娶其女。

為妾。勝賴其所出也。至勝賴。而武田氏滅。果如神教。
十五日。乙丑。神祇伯白川雅朝王。乞游采地。不允。五
月。五日。甲申。修賀茂祭競馬。賜扇社司。如恒式。是月。
甲斐國主武田勝賴。奉神封於信濃戶隱甲斐淺間
信濃諏訪三祠。八月。十九日。丁卯。豐受宮稱宜檜垣
常真卒。年九十七。二十日。戊辰。祈疾災于諸社。是日。
神宮傳奏藏人頭左近衛中將藤原親綱。以疾免職。
二十五日。壬寅。薦和歌于北野社。十月。十九日。丙寅。
薦和歌奏神樂于內侍所。二十六日。癸酉。薦和歌奏
神樂于內侍所。十一月。八日。乙酉。薦和歌于春日社。

奏神樂于內侍所。二十一日。戊戌。薦和歌于賀茂社。
奏神樂于內侍所。是歲。多田社鳴動。
二年。甲戌。五月。五日。修賀茂祭。會尾張國主織田信
長。參內。在京師。獻神馬二十匹。充競馬。而蘆毛鹿毛
二馬極駿。祝人二隊。黑赤交驅。尤駭人目。九月。相摸
國主北條氏政。攻下總大生鄉城。城主赤松兵部。為
常陸下妻城主多賀谷政經麾下。於是。乞援於政經。
政經來。且禱本里菅神祠。既而大敗相軍。奏凱而返。
政經感喜神助。獻狩野雅樂。介画三十六歌仙圖。及
黑甲一札。名刀二口于本祠。以賽焉。

三年。乙亥。正月。二十七日。丁卯。薦和歌奏神樂于內侍所。祈新大典侍疾也。二月。十二日。壬午。神官始奏事。民部卿從一位藤原資定莅會。二十二日。壬辰。薦和歌于水無瀨神宮。二十五日。乙未。薦和歌二十首于北野社。權中納言藤原經元。讀短冊。三月。十六日。乙卯。伊勢內宮移神于假殿。二十八日。丁卯。奏五常樂于石清水八幡宮。五月。八日。丙午。皇太子觀蹴鞠。賀茂祠官松下某三員與焉。六月。二十五日。壬辰。薦和歌于北野社。九月。阿蘇大宮司宇治惟豐。叙從三位。是時。惟豐居矢部。土人稱曰濱館。領阿蘇益城二

郡。及託摩郡健軍。宇土郡郡浦。飽田郡新開。正寶孺江谷町。玉名郡日置。及薩摩伊豆筑後穗波。豐後井田太宰麥野山田家中坂田。日向鞍岡。凡三十萬石。四年。丙子。二月。二十五日。庚寅。薦和歌二十首于北野社。四月。住吉社火。六月。二十五日。丁亥。薦和歌二十首于北野社。

五年。丁丑。二月。二十一日。庚辰。內侍所奏神樂。三日。二十二日。辛巳。薦和歌二十首于水無瀨神宮。二十五日。癸未。薦和歌二十首于北野社。

六年。戊寅。三月。十三日。甲子。越後國主從四位下上

杉輝虎卒。輝虎嘗抵信濃。詣諏訪祠。見大蛇。祝人曰。是神也。出輒願遂矣。閣下之業亦成矣。輝虎執彈丸擊之。蛇驚去。輝虎曰。神本無形體。是蛇何神之有。寡人為民祛害。盥漱一拜而歸。輝虎又詣戶隱山祠。々中有祝書數十通。繙閱之。偶見武田氏詛己文。笑曰。彼不能以弓矢加我。乃詛我於神明乎。五月十八日。己巳。奏法舞樂于石清水八幡宮。六月五日。乙酉。修春日社。九月七日。乙卯。權中納言藤原晴豐為賀茂社傳奏。二十一日。己巳。神宮始奏事。權大納言藤原公維莅會。是日。從五位下鴨秀延為本祠祝。十月。筑

前秋月種實。筑紫廣門。合兵攻高槁。紹運於岩屋城。太宰府管神廟。在城南。秋月氏兵放火燒城。延廟宇。既而其人。有罪族誅。人皆以為神譴。七年。己卯。是春。甲斐流言富士大官杉樹。忽生烟。國主慎戒。則免天譴乎。武田勝賴聞之。問祝人。祝人曰。神人一理也。人心有忌。神亦有應。勝賴曰。方今天下瓜分。西有毛利輝元。東有北條氏政。各跨有數州。而平信長挾天子。令諸侯。我若服從。彼必和悅。可以永保國。然死亦不能屈。今吾以一國微力。特立其間。豈得永保祖業哉。神示炯戒。何足介懷。衆曰。壯武不減。

先公也。六月二十五日。己亥。薦和歌于北野社。八月二十六日。己亥。梅宮祠殿成。先是假奠神體於紫宸殿。至是復原位。十二月十六日。丁亥。前右大臣織田信長。修石清水八幡宮。取材於大和三輪神山。八年。庚辰。正月。壬寅朔。修四方拜之儀。神祇伯左近衛中將雅朝王。奉御劍蒞會。二月二十二日。壬辰。薦和歌于水無瀨神宮。二十五日。乙未。薦和歌于北野社。三月三日。波多鎮直獻神田二段神馬一匹于宇佐八幡宮。閏三月二十二日。辛卯。內侍所奏臨時神樂。五月五日。癸酉。修賀茂祭競馬。賜扇社司。如恒式。

六月二十七日。乙丑。修石清水八幡宮。遣權中納言源重通。左少辨藤原充房。行遷宮之儀。七月十八日。丙戌。修御靈祭。諸王微行。觀神輿。九月二十五日。壬辰。薦和歌二十首于北野社。二十九日。丙申。祈彗星于諸社。十月十日。遠江國主德川家康。夢管神詠聯歌。十一月十一日。丁丑。薦和歌二十首于北野社。十二月。丙申朔。遣上卿權大納言藤原公遠于春日社。修祀典。

九年。辛巳。三月二十日。甲申。遣權中納言藤原兼成于春日社。修祀典。五月十一日。甲戌。詔神祇權大副

卜部兼右。修清菰于内侍所。賜太刀兼右。八月十八日。己酉。修御靈祭。天皇微行觀神輿。十月二十七日。戊午。伊勢豐受宮成。修遷宮之儀。

十年。壬午。五月。先是伊勢大宮司上部某介堀秀政。請修兩大廟于右大臣織田信長。信長問上部曰。修祠之財。用幾千金。上部曰。大神宮。天下宗廟也。閣下願賜千貫。可矣。餘頒課庶民。成功奚難。信長曰。再昨年。修石清水廟。經費不下千貫。今大厩興土木。必有倍焉。非三千貫不能也。且瘼民修廟。信長所恥也。乃獻錢三千貫于伊勢兩大廟。修遷宮之儀。森蘭丸長

定。正井某薰役。近歲。干戈相尋。皇室衰絀。兩廟久頽。至是。信長修之。殆復故典。二月十九日。戊申。遣權中納言藤原季秀于春日社。修祀典。二十五日。甲寅。薦和歌于北野社。三月九日。丁卯。薦和歌百首于石清水八幡宮。祈右大臣織田信長戰勝也。十五日。癸酉。内侍所。奏臨時神樂。奉行藏人頭左中辨藤原克房蒞會。是春。右大臣織田信長滅武田氏。至自甲斐。謁熱田社。修葺廟宇。以賽戰功。六月四日。備中高松城主清水宗治。致城於敵。自刃而死。至九世孫親周。猶仕毛利氏。嘗修一廟。祭宗治靈。名之曰正義靈社。是

月。丹波龜山城主明智光秀謀反。詣愛宕神祠。拈鬮再三。宿祠下。決意。遂殺其主織田信長。既而羽柴秀吉誅之。梟光秀及其臣齋藤利三首。利三有子。曰伊豆。迨軍興。他適。初。越前暨意密者。嘗識光秀。光秀召諸京師。與祿伊豆知之。竊寓意密家。道路言。父主皆梟。伊豆憂憤。欲奪其首。乃往粟田口。斬護卒。提兩首而去。事聞。秀吉馳使四搜。意密以為發覺。必獲重譴。自訴之。秀吉捕伊豆。痛加拷糾。伊豆堅告不知。於是秀吉令二人誓北野社前。各探鐵火。以決真偽。伊豆冥禱管神。而探鐵冷如水。意密探號投地。監吏以聞。

秀吉斬意密。加藤清正在側。感伊豆至誠。請赦之。為其臣。伊豆削髮。號立本。從清正。屢建戰勲。終身信管神不衰。本能寺之變。畿內擾亂。能登石動僧徒。乘之蠢動。招温井三宅二將。作亂。加賀國主前田利家。遣兵攻滅之。梟賊首數百級。遷五社。權現社於伊影山。社係僧徒所掌祀云。

十一年。癸未。正月。十二日。丙寅。神宮始奏事。正二位藤原淳光蒞會。閏正月。乙酉朔。權大納言藤原經元。奏貴布禰神教。以前月屬去歲。故本日。當元旦。宜由舊典。關白左大臣藤原內基奏。可從神教。而行四方。

拜從後醍醐帝正中二年故事也。二月十九日壬申遣上卿權中納言藤原輝資于春日社修祀典。十三年乙酉正月六日戊寅神祇伯雅英王叙從三位。三月二十二日癸巳先是內大臣平秀吉南征四國詔祈戰勝於賀茂下上社。是月紀伊根來城陷遂欲伐熊野本宮新宮社司迎降。四月太宰府管神廟罹兵燹。是月丹羽長秀卒。初長秀帶厭鬼丸刀而患眼。初惡七兵衛景清納之熱田神庫。天文中千秋紀伊佩之戰死于美濃稻葉山。陰山掃部助取佩之後大垣之戰掃部被射兩目而死。數傳至長秀或謂帶

九月十一日筑後立
花鑑連卒年七
十三初生母由布氏
嘗侍豐後由原
八番神祠生鑑連
於鑑藏城中因名
曰八幡丸鑑連京
茂父也

此刀者必患眼也。於是長秀納諸熱田祠。八月肥後阿蘇大官司惟種三船城主甲斐親秀合兵攻陷花山城。薩摩戌將大脇某死之。未幾惟種降嶋津氏。十月九日丙子祭伊勢太神宮于內野神祇官。十三日庚辰伊勢太神宮成。遷神於正殿。祭主正五位下大中臣慶忠莅會。十五日壬午豐受太神宮成。遷祀神於正殿。慶忠莅會如前式。先是右大臣織田信長奏請經營悉復故典。未果。遇變。至是。關白秀吉賡成其志。

十四年丙戌正月丁酉朔下野足利人豐嶋七右衛

門。與佐野宗綱鬪殺之。七右年老歸隱其鄉。下總山
川邑主水野忠善聞其名。遣使聘之。適七右不在。使
者竢歸而見之。曰。寡君聞子名。欲其枉駕。七右曰。吾
本農夫。無意仕途。使者懇諭携來。忠善召見之。七右
曰。公謬聞虛名。臣固非有力能刺佐野氏也。當日昏
暮交綏。會道傍草堂。有一甲士。氣息喘々。微聲返顧
曰。身是佐野修理大夫也。今日命竭矣。汝適斬以為
功。臣畏縮斬之。齎其首。今君召臣無為也。乃辭去。豐
嶋氏每歲元日。祭宗綱靈不絕。三月。四日。己亥。筑前
宗像大宮司氏貞歿。初氏貞病漸篤。謂家人曰。吾年

踰半百。無男。歿後。以祠職讓深田氏益。一女有身。若
生男。宜繼家。言了歿。四月。二十九日。甲午。賀茂祠祝
奏。神田耗衰弗能舉競馬儀。詔錫田資祭祀。六月。十
七日。辛巳。太上皇。詔兵部大輔卜部兼從。修地神祭。
因叙從四位下。七月。二十七日。庚申。薩摩國主嶋津
義久。出兵筑前。攻陷立花城。香椎神廟罹兵燹。十二
月。二十二日。壬午。神祇伯從三位雅喬王。參內。授拜
神儀于新帝。左大臣從一位藤原信輔。所奏請也。

後陽成天皇

天正十五年。丁亥。正月。十一日。辛丑。神宮始奏事。正

二位藤原淳光莅會。三月。關白豐臣秀吉。西征九國。十七日。秀吉謁嚴嶋神祠。獻青趺千貫文。并賜物神官。既而攻陷諸城。抵筑前。謁箱崎神祠。撰和歌。當是時。丹後國主細川忠興從軍。父藤孝留守田邊城。藤孝曰。吾老致仕。縱令這從役。不可不承候殿下安否也。四月。二十一日。藤孝航海。二十六日。船着出雲佐陀浦。謁佐陀神社。殿後。抵杵築。謁大己貴神祠。見千家北嶋兩國造。兩國造各遺藤孝以酒肴。且令伶官侑觴。藤孝酬以和歌。既而自出雲石見。經長門豐前。謁香椎箱崎太宰府諸神祠。遂見秀吉。歸路謁嚴嶋

神祠。藤孝為人。文武兼備。有才藻。善歌。沿途謁諸國神祠。必詠歌述懷。是役。肥後阿蘇大官司宇治惟谷拒命。秀吉攻降之。惟谷世掌神封。乘爭亂。蠶食隣境。有二十四萬石。秀吉悉奪之。僅存矢部三百町田。自是削弱。惟掌祀務而已。筑前宗像大官司。雖遠不及維谷。亦食邑頗多。均為秀吉所削云。

十六年。戊子。二月。二十五日。己卯。薦和歌三十首于北野社。三月。十五日。戊辰。天皇幸關白豐臣秀吉聚樂第。踰日。秀吉使諸侯盟御前。其略曰。所盟。世々罔違。若渝之。日本六十六國明神。大降罰。率類此。五月。

三日。乙酉。左衛門督卜部兼見。修三壇行儀于紫宸殿。攘近月星。二十八日。庚戌。祈疫疾于諸社。閏五月十三日。乙丑。內侍所奏神樂。六月。二十一日。癸卯。遣正二位藤原淳光于伊勢太神宮。右大臣藤原晴季于春日社。權大納言源敦通于石清水八幡宮。權大納言藤原晴豐于祇園社。祈關白母從一位宗桂疾愈。以秀吉奏請也。二十五日。丁未。薦連歌于北野社。十一月。五日。甲寅。先是。關白豐臣秀吉。頒賜加藤清正。小西行長。各半國。既而清正等就封。土豪木山彈正舉兵捍禦。清正與之鬪。遂斬之。清正十字槍。折一

枝。今尚藏於佛木神祠。十二月。十六日。乙未。神宮始奏事。正二位藤原淳光莅。

十七年。己酉。二月。二十五日。癸卯。薦和歌聯句于北野社。九月。九日。甲寅。諸侯謁關白豐臣秀吉于聚樂第。前田利家。上杉景勝爭坐次。不決。越後國老直江兼續進曰。弊邑累世為關左管領。執謁宜先。加賀國老村井長賴。趨睨兼續曰。夫為公為伯。唯由其人。奏功何如耳。固非關於祖先。子不見殿下乎。身起寒微。位極人臣。神助衆服如此。若說門閥。則吾主是管廟神裔。豈區々管領之比哉。兼續無言。利家乃先謁。自

是利家敬信菅原神。更有加平生焉。十一月七日。辛亥。内侍所奏神樂。

十八年。庚寅。四月。十四日。乙酉。修賀茂祭。社司献葵。二十日。辛卯。内侍所奏神樂。以関白豊臣秀吉室杉原氏奏請也。六月。武藏八王子之役。本國六所社神主猿渡盛政。属北條氏輝。捍禦西軍。戰死。七月。二十六日。乙丑。秀吉召本多中務少輔忠勝于下野宇都宮。賜佐藤忠信。曹曰。是古昔忠臣之蒙也。忠勝拜謝而退。曹舊藏紀伊熊野神祠者云。是月。秀吉過相摸鎌倉。謁鶴岡八幡宮。献祭田。是月。内大臣德川家康。

自駿河。移封武藏。居江戸城。一日。召榊原康政曰。城中豈有鎮護之神乎。康政對曰。城北隅有二小祠。公試觀。乃導之家康上小邱。植梅數株。二祠有其中。家康曰。昔太田道灌。歌將也。嘗祀菅原大神。乃進觀祠額。謂康政曰。孤夙志若牙城。無神鎮護。則移祀坂本日吉神。今果祭日吉神與菅原神。不圖神瑞至于此也。康政拜賀。後家康修築二祠祀之。九月。十七日。丙辰。落祇園社寶塔。十月。二十二日。辛卯。祈大和權大納言豊臣秀長疾愈于諸社。是月。遣上卿權中納言藤原兼成于春日社。修祀典。十一月。十九日。丁巳。遣

使于伊勢太神宮。賀茂下上社。春日社。稻荷社。祇園社。御靈社。北野社。今宮社。松尾社。祈關白世子八幡太郎弗豫也。二十二日。庚申。太上天皇。遣使諸社亦祈八幡太郎疾愈也。二十五日。癸亥。關白豐臣秀吉。修湯祭于北野社。祈世子疾愈也。十二月二十八日。丙申。神祇大副卜部兼見。修清菰于內侍所。十九年。辛卯。正月。二十一日。戊午。內侍所奏神樂。二十二日。己未。內侍所奏臨時神樂。以從三位杉原氏所奏請也。二十八日。乙丑。諸社神官參內拜賀。三月四日。庚午。內侍所奏臨時神樂。堀尾吉晴所奏請也。

二十八日。甲午。內侍所奏臨時神樂。五月二十日。甲申。內侍所奏臨時神樂。六月七日。辛丑。修祇園祭。二十五日。己未。薦和歌于北野社。七月二日。乙丑。遣上卿權大納言藤原親綱于賀茂社。修遷宮之儀。十月二日。土佐國主長曾我部元親信。讒殺吉良左京進親實。後親實屢為崇。元親因建一祠於吾川郡木塚。祭其靈。十一月武藏國主權大納言德川家康。頒管下神社祭田印券。文祿元年。壬辰。關白豐臣秀吉。率大兵。征朝鮮。三月二十七日。丁亥。謁伏見御香神祠。獻備前長光鍛刀。

一口。祠祭神功皇后者也。斯役。秀吉追紹神功皇后遺旨。故其獻刀。蓋倣神后征韓獻刀矛大三輪神也。又獻神寶于北野社。五月十五日。甲戌。神宮始奏事。從二位藤原淳光莅會。十六日。乙亥。伊勢太神宮權禰宜正六位上荒木田神主守助。奏請曰。謹按舊典。本宮祠官。辱班榮爵。致精禱。以事神明。是古今通規也。臣父祖亦歷世受榮爵。望請天恩。速辱榮爵。祈邦家寧康。守助誠惶謹白。秀吉之抵安藝也。謁嚴嶋祠。令近臣取錢一緡。祝曰。若投而多面。必獲大捷矣。揮手一擲。每皆仰。師衆歡聲如雷。秀吉大喜。蓋預糊合

二錢也。十一月十六日。壬申。遣上卿權中納言藤原家雅于春日社。修祀典。是月。有人讒阿蘇大官司宇治惟光于關白。豐臣秀吉曰。惟光土寇巨魁。不可不誅也。若不殺。必貽後患。秀吉曰。孤以為既死。今尚存乎。命加藤清正捕斬之。是歲。豐前中津城主黑田長政。修宇佐八幡宮第二殿。適有筍生於神殿前。軒或曰。國主移封。其期當不遠。其抗前乎。蓋竹生神前。拆字自成佳識也。後長政移封筑前。果如其言。二年。癸巳。二月十五日。故關白豐臣秀次。自刃而死。秀次一歲。當祇園祠祭日。自大津入京師。抵三條大

路。傳言闕白至矣。人常畏秀次暴。急避之。委神輿而去。秀次到其地。馬上睥睨曰。京畿神祭宏壯。而今見孤去。何神威之有。衆惡其誇大。三月十八日。土佐國主長曾我部宮内少輔元親。遣岩神孫之進。奉幣于一宮社。禱征韓之戰捷也。踰月。又禱久枝村八幡祠。如前式。六月七日。庚寅。修祇園祭。是歲。豐受宮稱宜松木貴彦卒。

三年。甲午。正月五日。九條闕白内大臣藤原植通薨。年八十八。初。羽柴秀吉未為闕白。欲更姓藤原氏。謀之近衛。准三宮藤原前久。前久許諾之。獨植通心不

肯曰。五攝籙。固無優劣。近衛氏。豈得擅決大議哉。於是。秀吉遣前田玄以。會前久。植通於大德寺。聞其說。二人各舉其長。相爭。植通曰。我家有三寶。其一曰。小狐刀。延喜帝時。疾雷震禁闕。本院左府狂死。帝驚曰。今日神威。何以致之。會貞信公侍。側有白狐。奏一佩刀曰。稻荷神也。言了。雷雨乍罷。故名其刀曰。小狐寶。吾傳家寶刀也。秀吉曰。吾不耐縉紳家絮談也。何必稱藤原氏。且更擇佳字為姓。菊亭右大臣藤原晴季。為撰豐臣姓。且勸秀吉。陞闕白。植通竊嘆曰。他族任此職。無舊典。彼必受春日神譴矣。其後。秀次不得良

死。豐臣氏絕祀。而晴秀亦配流越後。世或以植通為
知言。二月二十三日。壬申。遣上卿權大納言藤原經
賴于春日社。修祀典。

四年。乙未。正月。六日。己卯。水無瀨松尾社祠官獻若
菜。二月。甲辰朔。土佐國主長曾我部元親盛親胥議
曰。國中神祭。遵守前規。勿懈怠。至祠宇頽廢。則宜以
神田租稅充修資。若非常費用。宜先告奉行。俟其指
揮。神主社守不經上請。私加修造。屢以法。十五日。戊
午。准三宮藤原季子。謁石清水八幡宮。十七日。庚申。
遣上卿權大納言藤原親綱于春日社。修祀典。二十

二日。乙丑。薦和歌于水無瀨神宮。二十五日。戊辰。薦
和歌于北野社。四月十九日。壬戌。天皇御清涼殿。受
神樂笛和琴秘旨于正二位藤原公遠。六月二十五
日。丙寅。薦和歌五十首于北野社。七月二十三日。甲
午。右大臣從一位藤原晴季免職。既而貶謫於佐渡。
以女婿閔白豐臣秀次故也。晴季過越後。上名立驛。
祈管神。詠歌獻之。未幾。召還復官。

慶長元年。丙申。二月二十三日。庚申。遣上卿權大納
言源敦通于春日社。修祀典。八月十八日。壬午。修御
靈祭。前田玄以家士。與增田長盛家士鬪。神輿不復

原坐十一月二十二日。乙卯。内侍所奏神樂。以政所
根伊子所奏請也。十二月十日。壬申。遣上卿權中納
言藤原季秀于春日社。修祀典。

二年。丁酉。三月二十四日。土佐國主長曾我部元親。
下令百則于國中。其首條曰。闔國祭祀。宜遵奉舊典。
慎勿怠也。修費資神田。至頽壞。非常不易辨治者。宜
更請允。從事工役。若不經官允。而私營繕者。處以犯
憲。

三年。戊戌。正月二日。戊子。武藏内大臣德川家康。在
山城伏見邸。竊感瑞夢。詣石清水八幡宮。既歸。饗親

臣賀焉。六日。壬辰。松尾社祠官。獻若菜。十四日。庚子。
江戸城留守酒井備後守忠利。呈書。報告内大臣德
川家康曰。本月二日夜。米津清右衛門妻。夢吾内府
公。謁男山神廟。會有一祝人。淨衣烏帽。繫歌柳枝。以
授公。朗誦曰。盛奈畱。都乃花者。散果天。吾妻乃松曾。
世遠波。繼氣留。家康披閱。沈吟久之。謂親臣曰。是亦
寡人前夜之夢也。然深憚外議。秘而不發。故他人莫
知也。二月。丁巳朔。熱田神主。奏歌舞。供天覽。二十二
日。戊寅。神宮始奏事。權大納言藤原親綱莅會。是日。
薦和歌于水無瀨神宮。二十五日。辛巳。薦和歌百首。

于北野社。二十八日。甲申。祀伊勢太神宮并豐受大神于吉田社。蓋從二位神祇大副卜部兼見所奏請也。三月。六日。辛卯。准三宮藤原晴子。謁近江日吉社。十一日。丙申。遣上卿權中納言藤原親氏。奉行左少辨藤原光廣于春日社。修祀典。二十一日。丙午。奏千遍樂。神祇伯雅朝王莅會。六月。乙卯朔。伊勢太神宮。修假遷宮之儀。六日。庚申。豐受宮修假遷宮之儀。二十五日。己卯。薦和歌百首于北野社。七月。甲申朔。內侍所奏神樂。從三位杉原氏所請禱其夫太閤豐臣秀吉疾也。六日。己丑。權中納言豐臣秀賴。獻祭田二

千石于豐受太神宮。一千石于春日社。其他附社田有差。並祈其父秀吉疾愈也。十一日。甲午。遣權中納言藤原實益等公卿十六員于伊勢石清水以下諸社。祈秀吉疾愈也。當是時。皇族公卿武臣禱秀吉疾於神祇修祀典者。不可勝記。八月。九日。壬戌。內侍所奏臨時神樂。十八日。辛未。前關白太政大臣豐臣秀吉薨。年六十三。葬于東山。建祠。以從五位下卜部兼從為社務。後德川氏命豐國祠停祭。加藤光正。遣使奏神樂。大忤幕旨。而國除亦坐是。光正者。清正孫也。二十三日。丙子。權中納言藤原充房。奉准三宮藤原

晴子命。奉幣春日社。祈天皇疾愈也。癸未晦。諸社祝人。祈天皇疾愈。九月二十五日。戊申。遣使伊勢太神宮。石清水八幡宮。奉幣。修祀典。二十七日。戊戌。神祇大副卜部兼見。修清菰于內侍所。二十八日。己亥。兼見。修神道秘訣於清涼殿。祈天皇疾愈也。從三位平時慶。奉幣平野社。亦祈天皇弗豫也。十月四日。丙辰。春日社司。修五十坐祀典。祈天皇疾愈。女御藤原前子。賜黃金一枚于社司。而賞焉。八日。庚申。權大納言藤原家雅。謁春日社。祈天皇疾愈。十八日。庚午。神祇大副卜部兼見。修祀典于內侍所。亦禱天皇疾愈也。

十二月十四日。丙申。遣上卿權中納言藤原家雅于春日社。修祀典。二十三日。乙巳。准三宮藤原晴子。如近江。謁日吉多賀二社。祈天皇疾愈也。

四年。己亥。閏三月三日。壬子。日本書紀官板上梓竣功。須賜廷臣。正四位下行少納言兼侍從清原國賢。題書紀後曰。神道者。為萬法之根抵。儒教者。為枝葉。佛教者。為華實。而二教皆神道之餘裔也。今學儒佛者多。而讀神書者鮮。凡生神國者。豈可蔑視神書乎。陛下庶政。以神事為第一。故勅壽梓日本書紀。成邦國之治。以紹神尊之統。保瑞穗之地。千五百之秋。將

有賴於斯書爲國賢。舍人親王二十九世孫也。四月
十二日。庚寅。故太閤豐臣秀吉靈社成。神祠大副從
二位卜部兼見受詔。定祀典。十六日。甲午。豐國廟。修
假遷宮之儀。十八日。丙申。修正遷宮之儀。右大臣藤
原晴季。權大納言藤原晴豐。權大納言藤原輝資。權
大納言源敦通。權中納言藤原家雅。權中納言藤原
充房。參議藤原永孝。莅會。奉壘函。神官數員。擁覆榊
枝。移奠神殿。十九日。丁酉。詔授正一位豐國社。內大
臣德川家康。奉幣。修祀典。以權中納言豐臣秀賴幼
冲。攝行其事。初秀吉遺言。薨後稱新八幡。無勅允。於

是。更議賜豐國大明神號。秀賴獻黃金。謝特恩。七月。
十二日。己丑。薦和歌于豐國社。八月。戊寅朔。從三位
杉原氏。謁豐國社。從二位神祇大副卜部兼見。奉幣。
十六日。癸巳。式部卿智仁親王。奉金鉢幣三本于豐
國社。是日。內大臣德川家康。謁石清水八幡宮。十七
日。甲午。權大納言藤原晴豐。諭前田玄以。奏臨時神
樂于豐國社。又修湯立之儀。十九日。丙申。奏申樂于
豐國社。二十一日。戊戌。勅修臨時神樂于豐國社。二
十三日。庚子。從三位杉原氏。謁豐國社。九月。二日。戊
申。薩摩國主參議嶋津義弘。謁豐國社。二十八日。甲

戊。從三位杉原氏。謁豐國社。修湯立之儀。賜物巫覡。
有差。十月十一日。丁亥。內侍所。奏臨時神樂。從三位
杉原氏所奏請也。十一月四日。庚戌。豐國社木食堂
火。災不及本殿。十二月丙子朔。修水無瀕宮。勅賜米
百石。三日。戊寅。內大臣德川家康。謁石清水八幡宮。
觀其頽壞。命修之。九日。甲申。遣上卿權大納言藤原
光房子春日社。修祀典。十八日。癸巳。奏湯神樂于豐
國社。從三位杉原氏蒞會。二十五日。庚子。會公卿賞
雪。神祇伯從三位雅朝王與焉。是歲。祭主正五位下
大中臣慶忠卒。年四十二。

五年。庚子。正月。丙午朔。從三位淺野氏。謁豐國社。三
日。戊申。右近衛少將豐臣俊勝。謁豐國社。奉雄刀一
口。青蚨萬匹。二月二日。丙子。豐臣太閤側室京極氏。
奉神供豐國社。十八日。壬辰。從三位杉原氏。謁豐國
社。二十五日。己亥。薦連歌于北野社。三月二日。丙午。
從三位杉原氏。謁豐國社。五日。己酉。修平野社。四月
十七日。庚寅。奏里神樂于豐國社。十八日。辛卯。遣權
大納言藤原輝資。奉劍馬于豐國社。十九日。壬辰。奏
猿樂于豐國社。五月五日。丁未。修賀茂祭。競馬。如恒
式。十八日。庚申。從三位杉原氏。謁豐國社。六月七日。

己卯。修祇園祭。十八日。庚寅。從三位杉原氏。謁豐國社。奉夏神衣二襲。二十八日。庚子。先是內大臣德川家康東征上杉景勝。過相摸。謁鶴岡八幡宮。命神官修造殿宇。七月五日。丁未。備前權中納言洪田秀家。獻劍馬于豐國社。二十三日。甲子。秀家獻黃金于豐國社。八月。壬申朔。山城伏見城代鳥居彥右衛門元忠戰歿。後世臣子祭之。曰精忠靈神。是日。陸奧會津城主上杉景勝將松本伊豆。誘土寇。逼越後坂戶城。會堀監物直寄守城。將出兵禦之。屬士近藤九兵衛。見廣瀨藪神祠火。曰。是土寇來攻也。直寄遣伺候其

動靜。復命曰。賊攻下倉砦。戰方酣。奚忍坐視乎。速水織部諫曰。本朝神國也。如伊勢石清水。尤為威靈顯赫。而冥護武人者。石清水神也。然而本日。修放生祭。國俗云。仲秋忌戰。若本月。進戰必敗。退守必利。今日八朔。吾豈可犯神譴乎。直寄從其言。隊士小倉主膳。不聽。戰鬥而死。於是直寄悅曰。小倉有反心。悖神教。其死不亦宜乎。二日。癸酉。安藝權中納言毛利輝元。奏里神樂于豐國社。從三位杉原氏。謁豐國社。奏湯神樂。三日。甲戌。權中納言豐臣秀賴。奏湯神樂于豐國社。禱戰勝。一釜破裂。更換釜。又破裂。先是內大臣

德川家康東征上杉景勝。石田三成流言。家康不利。豐臣氏誘諸侯討之。擁秀賴舉兵。故有此舉。六日。丁丑。秀賴復奏湯神樂于豐國社。釜又破裂。識者僉謂。神靈嫉三成姦謀。表凶兆也。十八日。己丑。從三位杉原氏。奏湯神樂于豐國社。奉黃金一枚。是日。天皇遣權大納言藤原光宣奉幣于本祠。十九日。庚寅。備前權中納言豐臣秀家室。奏湯神樂于豐國社。二十日。辛卯。秀家修千座。移于豐國社。每徹百座。奏神樂。是日。從三位杉原氏。納明主朱翊均所贈衣冠數襲于豐國社神庫。九月十八日。戊午。安藝權中納言毛利

輝元室。奏湯神樂于豐國社。是月。內大臣德川家康。與石田三成。戰於美濃關原。大破之。初。列侯東西多。觀望。伊豫久留嶋左衛門佐康親。遣使伊勢山田。請祝人足代某。禱豐受宮。決方向。某傳神教曰。德川內府。仁智兼備。神人交歸。真主也。三成假孤兒寡婦。託義名。舉螳臂當之。多見其不知量也。子主若斷然。從內府。異日富貴。可保也。使者反命。於是。康親送欸家康。東軍果捷。會伊勢宇治祝人上部越中。祈西軍戰捷。迨其敗。或告諸家康。々々曰。越中受豐臣氏眷顧。宜為西軍禱之人。各為知己。奚咎焉。聞者皆服其量。

先是陸奧上杉景勝反。家康帥諸將征討之。參河吉田城主池田輝政從軍于下野小山。上國報三成作亂。輝政妻德川氏。家康女也。在大坂邸。輝政奉渡邊總左衛門為使。時三成各處置關。嚴禁征還。而總左為乞。抵尾張。投熱田。祝大原左衛門。總左嘗相識。因宿。翌晨請導。祝屬橐於長竿。令人先行。總左遙望。至伊勢。自是露卧草行。抵山田。祝上部氏。家人曰。子為誰。曰。吉田人。將禱天祖。家人曰。當是擾々。豈有是哉。總左曰。禱勢廟。不可不齋。宿於祝家也。既而祝出曰。子為乞。則宿焉。總左許諾。自後門而入。祝具饌。且

問曰。子等使大坂乎。曰。然。明旦。祝送諸宮河。總左就伊賀路。稍及新關。關吏呵責。總左曰。大阪貧民。禱於天祖廟而歸。曰。此間豈有其人哉。曰。來時州郡無事。比至山田。移檄諸縣。絕行旅。小人疲於道路。切念首丘。幸賴神恩而歸。吏人令總左露體而立。無一可疑。乃放之。總左抵大阪。見德川氏。傳夫命。是行總左遇吏責。詭辭莫不以謁廟歸阪。幸賜過關。而竟得完使節者。寔神助也。十月十一日。辛巳。從三位杉原氏。納琴二張。唐團扇。官服于豐國社。十一月六日。丙午。神祇大副卜部兼見。謁內大臣德川家康于大坂城。贈

四百豐後岡城主
中川秀成放火佐
賀關與敵兵戰
適延燒早吸日咩
祠々官關作之衣
大忍潛身於三越打
皇祖殺手秀成老
臣中川平右衛門殺之

時衣。十九日。己未。權中納言德川秀忠。侍從德川忠吉。奉幣豐國社。二十一日。辛酉。從三位杉原氏。謁豐國社。獻白銀并屏風二雙。二十八日。戊辰。德川義利。生于攝津大坂。內大臣家康子也。母志水氏。名龜。石清水廟祝甲斐守宗清女也。越前國主德川秀康。義利庶兄也。其母永見氏。名萬。亦參河池鯉鮒神社祝人之女也。義利後改義直。實尾張藩祖也。初天正庚寅歲。家康之移封關東也。田中兵部少輔吉政。代領三河。悉奪神封寺田。至是。祝僧哀訴。率復原封。而比隣國。或未多也。或告之家康。々々曰。孤意。附田神佛。

本在養祝僧。以執供獻之役。故神佛封田百石。猶視為武人萬石之觀。且三河吾祖墳所存。土神所護。苟允祝僧所請。雖拳鬪國供之。猶覺其不給也。遂不允。是歲。獻祭田千五百石于信濃。諏訪社。千石于戶隱神社。豐前國主細川忠興。獻神田千石于宇佐八幡宮。谷忠兵衛忠澄。歿。為土佐一宮祠官之子。忠澄事國主長曾我部元親。屢戰勲。至是而歿。六年。辛丑。三月。陸奧大浦城主津輕越中守為信。設場祭元龜。以後其臣戰歿之靈于清水森。凡七日。老少悉至。一日有一婦人來會。展祭文。讀了。伏歿而死。

衆驚救不及。檢閱祭文。千德政德孀婦小山氏也。為信大嘆節操。四月十七日。乙酉。從三位杉原氏。謁豐國社。十八日。丙戌。遣權大納言藤原兼勝于豐國社。奉幣。權中納言豐臣秀賴。遣片桐東市正。且元奉幣。從三位杉原氏。修七座神樂。十九日。丁亥。奏猿樂于豐國社。二十一日。己丑。女御藤原前子奏神樂。二十三日。辛卯。內侍所奏臨時神樂。五月十八日。甲寅。從三位藤原氏。謁豐國社。二十一日。丁巳。內大臣德川家康奏請一萬石。為豐國社祭田。二十五日。辛卯。薦和歌于北野社。八月九日。甲戌。式部智仁親王。奉幣。

豐國社。智仁。陽光院第六子。天皇同母弟也。豐臣秀吉奏為猶子。故有奉幣之舉。十七日。壬午。加賀國主前田利光。謁豐國社。奏湯神樂。十八日。癸未。遣上卿權大納言藤原充房。奉幣豐國社。權大納言豐臣秀賴。遣小出播磨權守秀政。奉幣。奏樂如恒式。十九日。甲申。奏猿樂于豐國社。九月二十九日。癸亥。神官始奏事。權大納言藤原實益。藏人頭左中辨藤原光廣。莅會。是夜。內侍所奏神樂。祈內大臣德川家康萬壽無疆也。閏十一月八日。壬申。修春日祭。七年。壬寅。正月三日。丙寅。大阪權大納言豐臣秀賴。

遣小出播磨權守秀政奉幣豐國社。生母淺井氏遣
權中納言豐臣秀詮獻黃金一枚于本祠。二月。二十
五日。戊午。當管神七百年祭。薦一萬首連歌于北野
社。是月。內大臣德川家康修鶴岡八幡宮。四月。十六
日。戊申。修近江日吉祭。社司樹下左馬助。斬同僚生
源寺某。十七日。己酉。從三位杉原氏謁豐國社。木下
肥後權守家定。右衛門少尉延俊。從行。十八日。庚戌。
遣上卿權大納言藤原家雅。奉幣豐國社。大阪權大
納言豐臣秀賴。遣片桐主膳正元重。奉幣本祠。五月。
二十三日。甲申。內大臣德川家康母水野氏謁豐國

社。二十七日。戊子。結城從三位左近衛中將源秀康。
謁豐國社。奉銀五錠。六月。十一日。辛丑。家康命毀豐
國社極樂門。七月。七日。丙寅。從三位杉原氏謁豐國
社。奏湯神樂。十二日。辛未。加賀權中納言前田利長。
奉幣豐國社。八月。十七日。丙午。智仁親王。奉幣豐國
社。十八日。丁未。遣上卿權中納言藤原季秀。奉幣豐
國社。神祇權少副卜部兼治。執獻之。大阪權大納言
豐臣秀賴。遣小出播磨權守秀政。奉幣本祠。十九日。
戊申。奏猿樂于豐國社。九月。己未朔。豐臣氏母淺井
氏。奏湯神樂于豐國社。十六日。甲戌。權停豐國社神

供。以內大臣德川家康母傳通夫人水野氏歿也。十月六日。甲午。加藤主計頭清正。謁豐國社。十七日。乙巳。照高院道證法親王。設連歌會于豐國社。左大臣藤原信尹。常胤法親王。興意法親王。參議平時慶莅。為。十二月十九日。丙午。建心御柱于吉田社齋場。二十四日。辛亥。修吉田社齋場遷宮之儀。神祇權少副卜部兼治。修宗源祀典。遣藏人頭左中辨藤原光廣莅會。

八年。癸卯。正月二日。己未。大阪權大納言豐臣秀賴。遣小出播磨權守秀政。奉幣豐國社。神祇權少副卜

部兼治。誦祝詞。是日。福嶋正則。藤堂高虎。淺野幸長。奉幣。皆豐臣氏親將也。十二日。己巳。奏湯神樂于豐國社。祈生駒雅樂頭近規疾愈也。二月二十一日。戊申。遣烏丸權大納言藤原光宣于春日社。修祀典。二十二日。己酉。薦和歌四首于水無瀨神宮。是日。神宮始奏事。二十五日。壬子。薦連歌于北野社。四月十二日。戊戌。乳媪代天皇。謁伊勢太神宮。十八日。甲辰。遣上卿大炊御門權大納言藤原經賴。奉幣豐國社。左兵衛督卜部兼治。誦祝詞。大阪權大納言豐臣秀賴。遣片桐主膳正貞隆本祠。獻黃金一枚。奏湯神樂。神

△是日尾張從三位左
近衛權中將德川
忠吉命侍臣三十
餘人射大的于清
洲山王祠前賽宿
禱也

祇權少副卜部兼治。誦祝詞。十九日。乙巳。奏猿樂于
豐國社。五月十一日。丁卯。薩摩國主嶋津義久奉幣
豐國社。十八日。甲戌。豐國社修祀典。筑前入目助
左衛門。依本祠神夢。摸製金春假面獻之。十九日。乙
亥。神龍院梵舜。謁大將軍德川家康。家康問神道傳
統。梵舜引證詳確。大副台旨。六月二十五日。庚戌。薦
和歌于北野社。七月十七日。辛未。加藤清正。福嶋正
則。奉幣豐國社。是日。好仁親王。奉幣土神。八月十六
日。庚子。智仁親王。奉幣豐國社。十八日。壬寅。遣上卿
中山權中納言藤原慶親。奉幣豐國社。大坂內大臣

豐臣秀賴。遣片桐東市正且元。奉幣本祠。十九日。癸
卯。奏猿樂于豐國社。是月。先是。德川氏。封山內一豐
於土佐。々々。長曾我部盛親。舊封也。故臣慕舊主。不
心服。一豐為。有高石左馬助者。亦盛親臣也。北山為
一豐族。老山內刑部采邑。刑部遣吏督租。左馬詭辭
不應命。嘯土寇。據險叛。會伊勢祝人。抵本山。刑部授
意說諭之。祝人乃標大麻竿頭赴焉。左馬視之曰。彼
說客也。徒假神威。欲誘降我乎。銃殺之。刑部大怒。率
勵兵卒。破賊軍。九月。幕府祀愛宕神於芝。十月。四日。
丙戌。大將軍德川家康。召神龍院。問兩大廟及大嘗

祭典故。

九年甲辰正月三日甲寅大阪內大臣豐臣秀賴遣小出播磨權守秀政奉幣豐國社。二月二十二日癸卯薦和歌于水無瀨神宮。是春幕府令關東修巨祠。三月二十四日乙亥筑前國主黑田孝高卒。神號水鏡社。孝高之封筑前也。會管下太宰府屬管神葬祭之地。而神有儒德。孝高特欽仰焉。且以其身既老。屢召社僧開歌會。風雅自娛。又與子政長議。增封戶二千石。充祭資。先是小早川權中納言隆景亦為其國主。嘗信管神。大興祭典。迨子秀秋轉封。孝高代領焉。

孝高隆景以非常謀將。均封於管公。遣靈之國。敬神好文。非偶然也。四月十日庚寅。大將軍德川家康召神龍院梵舜。問石清水春日二祠典故。十八日戊戌。直輔親王奉幣御靈祠。是日遣上卿葉室權中納言藤原賴宣奉幣豐國社。大阪內大臣豐臣秀賴遣片桐主膳正直盛奉幣本祠。加藤清正福嶋正則本多忠勝謁本祠。五月十五日豐受宮稱宜松木匡彥卒。年八十四。六月四日癸未。大將軍德川家康召神龍院梵舜。問豐國社臨時祭典故。二十一日庚子。祈雨下賀茂社。七月十七日丙寅。德川家光生。未幾謁日

吉社。八月二日。庚辰。從三位杉原氏。謁豐國社。十四日。壬辰。奏臨時祭於豐國社。十六日。甲寅。修臨時祭於豐國社。新上東門院。觀祭儀。新上東門院。春日神主。從二位大中臣時廣女也。十八日。丙申。遣上卿中御門權中納言藤原資胤。奉幣豐國社。大阪內大臣。豐臣秀賴。遣片桐直盛。奉幣本祠。福嶋正則。加藤清正。織田長益。淺野長政。京極高次。京極高知。淺野幸長。鍋嶋直茂等來謁。閏八月二十四日。壬申。伊勢太神宮。修山口祭。九月二十七日。乙亥。從三位杉原氏。謁豐國社。十一月八日。甲申。遣上卿權大納言藤原

家雅于春日社。修祀典。是月。幕府給祭田于武藏足立郡氷川神社。十二月十九日。甲子。從三位杉原氏。謁豐國社。是歲。紀伊國主淺野左京大夫幸長。修和歌浦菅神廟。華麗宏壯。倍舊規。請藤原肅撰文。建碑廟側。銘曰。據海埂兮封神丘。廟貌嚴兮遺徽猷。名而實兮人焉。庾敷教化兮使民由。綿歷邇兮涵天休。十年。乙巳。正月三日。戊寅。從三位杉原氏。謁豐國社。五日。庚辰。大阪內大臣豐臣秀賴。遣片桐且元。奉幣豐國社。二月二十五日。庚午。薦和歌五十首于北野社。四月十八日。壬戌。遣上卿東坊城權中納言菅原

盛長。奉幣豐國社。大阪內大臣豐臣秀賴母子。獻劍并黃金于本祠。十九日。癸亥。奏猿樂于豐國社。二十
八日。大將軍德川秀忠女明子。遣若宮神主女某奉
小袖二襲米五十石於春日神社。明子實東福門院
皇后也。五月。十三日。丁亥。淺野長政。奏湯神樂於豐
國社。一釜破裂。六月。二十日。癸亥。神龍院梵舜。謄獻
神祇服忌。令前將軍德川家康。家康召問疑義。詳對
副旨。八月。十七日。己未。從三位杉原氏。謁豐國社。十
九日。辛酉。奏猿樂于豐國社。九月。二日。甲戌。詔神祇
大副從二位卜部兼見。錄呈二十二社神號。及創建

年月。十八日。庚寅。從三位杉原氏。謁豐國社。九月。二
十七日。己亥。先是。豐前國主參議細川忠興。修造御
靈社拜殿。至是而成。十一月。十二日。壬午。大阪右大
臣豐臣秀賴室德川氏。修千度。按于豐國社。十七日。
丁亥。神祇伯從二位白川雅朝王免職。正五位下。顯
成王。任神祇伯。十二月。十八日。戊午。從三位杉原氏。
謁豐國社。二十二日。壬戌。詔神祇大副從二位卜部
兼見。校獻古事記舊事記。
十一年。丙午。正月。四日。癸酉。右大臣豐臣秀賴。遣片
桐且元。奉幣豐國社。四月。十三日。辛亥。從三位杉原

氏謁豐國社。五月十四日。壬午。上野館林城主榊原式部大輔康政卒。年五十九。康政先祖。居伊勢。至其祖清長。徙居參河。清長之在伊勢也。一夜。夢天照大神。授之以車徽章。後清長用車章。至今不變。大廟戶帳錦繡車章。清長所獻云。十八日。丙戌。徙三位杉原氏。謁豐國社。二十一日。戊午。紀伊國主淺野幸長。奉幣豐國社。七月十八日。乙酉。加藤清正。黑田長政。奉幣豐國社。八月十五日。壬子。智仁親王。奉幣豐國社。十七日。甲寅。徙三位杉原氏。謁豐國社。十八日。乙卯。遣上卿高倉權中納言藤原永孝。奉幣豐國社。是日。

加藤清正。獻臨時祭屏風于本祠。十九日。丙辰。奏猿樂于豐國社。二十九日。丙寅。淺野長政。奉幣豐國社。九月十三日。己卯。片桐且元。大久保長安。板倉勝重。謁前大將軍德川家康。上言豐國社定規。允之。十七日。癸未。家康召日吉社故事于神龍院梵舜。十月十三日。己酉。神龍院梵舜。往大阪。見右大臣豐臣秀賴。告豐國社條目定式。秀賴問伊勢兩宮及二十二社鎮座典故。未幾日。秀賴問服忌最要中臣。被疑義。梵舜前後詳對。大副其旨。二十四日。己丑。紀伊和歌浦管神廟。修遷宮之儀。左兵衛佐卜部兼治莅會。十二

十九日乙酉尾張從三位左近衛權中將德川忠吉命侍臣三十餘人射大的于清洲山王祠前賽真宿禰也

月。四日。己亥。神祇大副卜部兼見。圍棋於豐國社。是歲。豐前國主細川忠興。修宇佐八幡宮。

十二年。丁未。二月。二十二日。乙卯。薦和歌于水無瀨神宮。二十五日。戊午。薦和漢聯句于北野社。三月。九日。壬申。神宮始奏事。西園寺權大納言藤原實益莅會。四月。十七日。己酉。從三位杉原氏。謁豐國社。二十八日。庚申。內侍所奏神樂。祈越前權中納言源秀康疾愈也。閏四月。二日。甲子。多武峰神像破裂。五月。十八日。己酉。從三位杉原氏。謁豐國社。八月。十九日。己卯。奏猿樂于豐國社。九月。十九日。己酉。詔左兵衛佐

卜部兼治。修宗源神道于大內。是月。大坂右大臣豐臣秀賴。修北野社。片桐且元董工役。十一月。七日。丙申。遣上卿三條權中納言藤原公廣于春日社。修祀典。十二月。十三日。戊申。北野社土木竣功。修祀典。會社僧松梅院有疾。請權停其儀。曼珠院良恕法親王怒之。檢覈官符舊規。松梅院更請之。良恕曰。彼今未經受戒。若是行莅祀壇。甚為不可。因自請修祀典。初。秀吉欲修祠。不遑興役而薨。於是。秀賴紹父志。有此舉。祠龕前懸大鏡。加藤清正所獻。背鑄日本全圖。各國署名。旁及諸嶋嶼。以波紋周之。而四角桐花章。承

以桔梗三字。充呂字。隱起換鏡鼻。桔梗清正旗號也。
十三年。戊申。二月。十四日。壬申。修春日社。二十五日。
癸未。內侍所奏臨時神樂。三月。五日。轉讀大般若經。
于豐國社。祈大阪右大臣豐臣秀賴疾痊也。十八日。
乙巳。從三位杉原氏。謁豐國社。四月。十八日。甲戌。奉
幣豐國社。秀賴遣大野修理亮治長奉幣。如恒式。五
月。二十七日。癸丑。淺野長政。奉幣豐國社。六月。十八
日。癸酉。從三位杉原氏。謁豐國社。八月。九日。癸亥。神
龍院梵舜。往駿府城。見前大將軍德川家康。家康問
伊勢兩大廟。及多武峰神像破裂事。詳對適宜。家康

獎賞久之。二十七日。辛巳。家康觀猿樂于淺間社。是
月。幕府授蹴鞠式章於飛鳥井參議正三位藤原雅
庸。々々遠祖雅經。精此技。累世掌蹴鞠式禮。而近歲
賀茂社司松下某。私授其從。故雅庸請幕府。使他族
不得妄授蹴鞠式禮云。九月。二十二日。丙午。遣神祇
少副兼左兵衛佐卜部兼治于多武峰社。奉幣。謝神
像破裂。二十四日。戊申。神祇少副卜部兼治。修齋戒
法誦中臣菟三種大菟。二十五日。己酉。奏猿樂于多
武峯神廟。十二月。十九日。壬申。豐受大神宮。修山口
祭。是歲。幕府命伊奈備前守忠次。修下總葛飾郡意

富日神社。初仁平中。封船橋六鄉祭田。勅下野守源義朝。修神殿。其子基義。忤賴朝。褫祭田。屠腹而歿。弟基繼。哀許之。朝廷詔源實朝。復奉祭田如故。後廢置不一。至是。修祠從舊規。世謂關東總祠。實船橋大神宮也。

十四年。己酉。二月。二十五日。丁丑。薦和歌于北野社。八月。十八日。丁卯。遣上卿正親町權中納言藤原季秀。奉幣豐國社。二十四日。癸酉。伊勢神主。論爭內外二宮。遷宮先後不決。叡慮以內宮為先。詔謀幕府而決之。九月。十五日。癸巳。御覽伊勢神寶于紫宸殿。新

上東門院中宮諸王侍臣等拜焉。二十一日。己亥。伊勢太神宮。修遷宮之儀。二十七日。乙巳。伊勢外宮。修遷宮之儀。十一月。十八日。丙申。修春日祭。

十五年。庚戌。正月。四日。辛巳。大阪右大臣豐臣秀賴。遣片桐且元。奉幣豐國社。二月。七日。甲寅。奏于反樂于北野社。祈皇太子疾愈也。十八日。乙丑。薦和漢聯句于豐國社。四月。十七日。壬辰。從三位杉原氏。奉幣豐國社。淺野但馬權守長晟。扈從。七月。二十八日。辛未。春日社。司言。二十二日。風雨。神木倒無數。八月。十八日。庚寅。奉幣豐國社。九月。二日。甲辰。神祇大副從

二位卜部兼見薨。年七十八。是日。加藤清正。謁豐國社。

十六年。辛亥。十月。六日。前大將軍德川家康。命畫史。模寫日本諸大社圖。三月。六日。家康召神龍院梵舜。于駿府。引見曰。神道秘訣。苟非其人。汝勿輕授也。梵舜拜諾而退。梵舜本卜部氏子。削髮。學延曆寺。卜部氏神道。本說涉兩部。至梵舜。又加潤飾。自是。識者不。滿卜部氏神道云。



